



# ՅՈՒՐԻԸՆԸՐԻ ՄԵՐ ԵՆ ԸՆԳՈՆՋՄՈՒԹՅԱՆ:

ԻՆՏԵՐՆԵՏԻ ՑԱՎՑՈՒՄ  
ՎԱՅՎԱՆՆԵՆ ԵՆ ՎՅՐՈՅՆՅՈՒ  
ՆԱԳՄՈՒԹՄՈՒԹՅՈՒՆՆԵՐԻ ՆՅՐԻՆ ԵՆ  
ՅՄԸՈՑՈՎՅՐԻ ՅՐՄՄՅԵՆՅՈՒՆ  
ՁԱՆՈՅՆԸՐԻԹՅՈՒՆՆԵՐԻՆ



ԶՈՒՐԻՆ ԾՈՒՆՈՒԹՅՈՒՆ





**ჰიბრიდული ომი და დეზინფორმაცია: რუსეთის ტაქტიკა  
კავკასიასა და ევროპაში საზოგადოებრივი აზრის და  
პოლიტიკური პროცესების მანიპულირებისათვის**

**ავტორი: გიორგი ბილანიშვილი**

თბილისი

2024

# პუბლიკაციის შესახებ

წინამდებარე პუბლიკაცია შეიქმნა აშშ-ის სახელმწიფო დეპარტამენტის მხარდაჭერით. დოკუმენტში გამოთქმული შეხედულებები და მოსაზრებები ეკუთვნის ავტორს და არ ასახავს ან წარმოადგენს სტრატეგიისა და განვითარების ცენტრის (CSD) ან შეერთებული შტატების სახელმწიფო დეპარტამენტის შეხედულებებსა და მოსაზრებებს.

## შინაარსი

შესავალი .....	1
გამოყენებული ლიტერატურა .....	1
კვლევის მეთოდოლოგია .....	2
ჰიბრიდული ომის განმარტებები .....	2
რუსეთი და ჰიბრიდული ომი ევროკავშირისა და NATO-ს უახლეს კონცეპტუალურ დოკუმენტებსა და ანგარიშებში .....	4
რუსეთი და ჰიბრიდული ომი კავკასიის ქვეყნების კონცეპტუალურ დოკუმენტებსა და ანგარიშებში .....	7
რუსეთის მტრული და მადესტაბილიზებელი ქმედებების წინააღმდეგ ბრძოლა ევროპის ქვეყნებში .....	10
დასკვნა .....	15
ბიბლიოგრაფია .....	17

## შესავალი

რუსეთის ყოვლად უსამართლო და სასტიკმა ომმა უკრაინაში ცხადი გახადა, რომ მოსკოვის ბრძოლა საერთაშორისო ასპარეზზე საკუთარი გავლენის გაძლიერების მიზნით გადამწყვეტ ფაზაში შევიდა. რუსეთის მიერ დაწყებული ომი, რა თქმა უნდა, მხოლოდ უკრაინის ტერიტორიების ოკუპაციას არ ისახავს მიზნად. მოსკოვს სურს, რომ ამ ომით შეამციროს დასავლეთის გავლენა, დაასუსტოს ისეთი ორგანიზაციები, როგორც ნატო და ევროკავშირია და შექმნას ახალი რეალობა, რომელიც საბჭოთა კავშირის შემადგენლობაში შემავალი ქვეყნების უმრავლესობაზე მისი ექსკლუზიური გავლენის აღდგენას გულისხმობს. ამდენად, სურ მცირე ევროპა და განსაკუთრებით კი პოსტსაბჭოთა სივრცე სერიოზული გამონჯევის წინაშე დგას. ასეთ ვითარებაში კი, განსაკუთრებით მნიშვნელოვანია უსაფრთხოების პოლიტიკის სწორად დაგეგმვა, არსებული საფრთხეებისა და რისკების ზუსტი შეფასება მათი შემდგომი შემცირებისთვის და კოორდინაციის ამაღლება საერთო ძარისხმევის მობილიზებისთვის, რაც აძლიერებს უკუქმედების ეფექტიანობას რუსეთის ძირგამომთხრელი და დესტრუქციული საქმიანობის წინააღმდეგ.

## გამოყენებული ლიტერატურა

თემის სიღრმისეულად შესწავლის მიზნით, აქცენტი გაკეთდა ევროკავშირისა და ნატოს კონცეპტუალური დოკუმენტების შესწავლაზე. დამუშავებულ იქნა ევროკავშირის 2016 წლის საგარეო და უსაფრთხოების პოლიტიკის გლობალური სტრატეგია, NATO-ს 2022 წლის სტრატეგიული კონცეფცია და სომხეთის 2020 წლის ეროვნული უსაფრთხოების სტრატეგია. გარდა ამისა, შესწავლილი იქნა „უცხოური ინფორმაციის მანიპულირებისა და გავლენის“ თაობაზე ევროკავშირის 2023 წლისა და 2024 წლის ანგარიშები, ასევე საქართველოს სახელმწიფო უსაფრთხოების სამსახურის 2023 წლის ანგარიში და უახლესი საგამოძიებო ჟურნალისტის მასალები, რომელიც მოპოვებულია დანიის საზოგადოებრივი მაუწყებლისა და The Insider-ის მიერ. გარდა ამისა, დამუშავდა ისეთი სანდო გამოცემების მასალები, როგორებიცაა: Irregular Warfare Initiative, The Economist, The Guardian და ა.შ.

## კვლევის მეთოდოლოგია

თემის შესასწავლად გამოყენებულია თვისებრივი კვლევის მეთოდები. კვლევის ფარგლებში შესწავლილი იქნა საერთაშორისო ორგანიზაციების ოფიციალური დოკუმენტები და ანგარიშები. ასევე, საგამოძიებო ჟურნალისტიკის მასალები. გარდა ამისა, შესწავლილი იქნა არაერთი ინტერნეტწყარო, ონლაინგამოცემა და კვლევა, რის საფუძველზეც, საერთო ჯამში, შეგროვდა სათანადო მასადა კვალიფიციური პუბლიკაციის მოსამზადებლად.

## ჰიბრიდული ომის განმარტებები

2014 წელს, რუსეთის მიერ ყირიმის ანექსიისა და აღმოსავლეთ უკრაინაში ახალი შეიარაღებული კონფლიქტის წამოწყების ფონზე, „ჰიბრიდული ომი“ გახდა ერთ-ერთი ყველაზე აქტუალური თემატიკა სხვადასხვა ქვეყნის ანალიტიკოსებისა და მკვლევრებისთვის, რადგან სწორედ ეს მოვლენები მოიხსენიება ყველაზე ხშირად ჰიბრიდულ ომად (FIIA, 2017). ასეთი ომის კონცეფციის განმარტების ფუძემდებლად ფრენსის ჰოფმანი მიიჩნევა. მისი განმარტებით, „ჰიბრიდული ომი მოიცავს, როგორც კონვენციური, ისე არარეგულარული ომის თითქმის ყველა კომპონენტს“, თუმცა, ჰოფმანი არ ამტკიცებს, რომ ასეთი შერწყმა რაიმე თვისებრივ სიახლეს წარმოადგენს (ქავთარაძე, 2023).

ჯონ მაკკუენი „სამხედრო მიმოხილვაში“ 2008 წელს გამოქვეყნებულ პუბლიკაციაში აღნიშნავს, რომ თანამედროვე ჰიბრიდული ომი სამ ყველაზე მნიშვნელოვან ფრონტზე ვითარდება. კერძოდ: ესენია: კონვენციური ომის ფრონტი, სადაც სიმეტრიული და ასიმეტრიული საფრთხეები ერთობლივად ვითარდება; მოწინააღმდეგე (ომში ჩართული) ქვეყნის ფრონტი, სადაც უნდა მოხდეს მოწინააღმდეგის მოსახლეობაზე გავლენის მოხდენა; და მესამე ფრონტი, რომელიც მოიცავს, როგორც საკუთარ მოსახლეობას, ისე საერთაშორისო საზოგადოებას, რომელთა მხარდაჭერის მოპოვება აუცილებელია, განსაკუთრებით ხანგრძლივი ომისას (FIIA, 2017).

მიუხედავად იმისა, რომ ჰიბრიდული ომი ფართო განხილვის საგანი გახდა და იგი ევროკავშირის, ნატოს და დასავლეთის სხვადასხვა ქვეყნის კონცეპტუალურ დოკუმენტებშიც აისახა, სრული სიცხადე ამ საკითხზე ჯერ კიდევ არ არსებობს. დასავლეთში სხვადასხვა ავტორები ხშირად იყენებენ ტერმინს „არარეგულარული ომი“, რომელიც თავისი არსით, ჰიბრიდულ ომს წარმოადგენს. ასე მაგალითად, Irregular Warfare Initiative-ის ვებგვერდზე ცოტა ხნის წინ (18.07.2024 წ.) გამოქვეყნებულ სტატიაში, მიმოხილულია ცნობილი ავტორის, ან აპელბაუმის ახალი წიგნი - „კორპორაცია ავტოკრატია. დიქტატორები, რომლებსაც სურთ მართონ მსოფლიო“. ამ წიგნის ავტორი არარეგულარულ ომს ავტორიტარული მმართველობის მთავარ იარაღად განიხილავს. აპელბაუმის აზრით, ასეთი ომი მოიცავს სხვადასხვა კომპონენტს დემოკრატიების წინააღმდეგ ბრძოლაში. კერძოდ:



### **მისინფორმაცია/დებინფორმაცია**

ავტოკრატული რეჟიმების შემთხვევაში მისინფორმაცია/დებინფორმაცია სცდება ტრადიციულ ჩარჩოებს, როგორც ტიპის, ისე ხარისხის თავდსაზრისით, რადგან ავტოკრატების სამიზნე მხოლოდ ერთი მი-

მართულება არ არის. არამედ ისინი იბრძვიან მუდმივად და მრავალმხრივ საკუთარი ლობონენტების წინააღმდეგ, რისთვისაც იყენებენ თანამედროვე საინფორმაციო და საკომუნიკაციო ტექნოლოგიებს;



### **სამართლებრივი ომი**

ავტოკრატული ქვეყნები მოქმედებენ სინქრონულად, რათა შეცვალონ საერთაშორისო სისტემის მორალური და სამა-

რთლებრივი საფუძვლები და მოიპოვონ დეგითიზაცია და გავლენა დემოკრატიების ხარჯზე;



### **PROXY ძალები და უსაფრთხოების მხარდაჭერა**

ავტოკრატული რეჟიმები ცდილობენ საკუთარი გავლენის კაპიტალიზაციას და სასურველი შედეგების მიღწევას PROXY ძალების ხარჯზე. ამისთვის ტრადიციულ PROXY ძალებთან ერთად აქტიურად გამოიყენება ვაგნერის ტიპის კერძო სამხედრო კომპანიები. მათი მეშვეობით

ავტოკრატული რეჟიმები, ერთი მხრივ, ქმნიან უსაფრთხოების ისეთ გამოწვევებს, რომელიც აძლიერებს წნეხს დემოკრატიულ სისტემებზე, ხოლო მეორე მხრივ - საკუთარ მოკავშირეებს ძალაუფლების შენარჩუნებაში ეხმარება (Zolyniak, 2024).

როგორც თავად ამ წიგნის ავტორი, საკუთარ სტატიაში აღნიშნავს, რომელიც 2023 წლის ბოლოს გამოქვეყნდა, საერთო ჯამში, თავიანთი ქმედებებით ავტოკრატიული რეჟიმები საკუთარი კვების წევრების არა მხოლოდ დაფინანსებასა და უსაფრთხოებას აღწევენ, არამედ, რაც შეიძლება უფრო მნიშვნელოვანია, უზრუნველყოფენ მათ დაუსჯელობას (Applebaum, 2023). ამასთან, ავტოკრატიული რეჟიმების მიერ წარმოებულ ჰიბრიდულ ომში წარმატებისთვის ყველაზე მნიშვნელოვანია მასში ჩართული მრავალი სხვადასხვა აქტორის ძარისხმევის თანხვედრა და კოორდინაცია, რადგან სწორედ ასეთი სინერგია განაპირობებს სასურველ შედეგს (FIIA, 2017). შესაბამისად, სახელმწიფო მთლიანად უნდა მოქმედებდეს როგორც ერთი დიდი და ძლიერი სპეცსამსახური, რასაც ვხედავთ კიდევ რუსეთის მაგალითზე.

## რუსეთი და ჰიბრიდული ომი ევროკავშირისა და NATO-ს უახლეს კონცეპტუალურ დოკუმენტებსა და ანგარიშებში

2014 წელს რუსეთის მიერ ყირიმის ანექსიამ და აღმოსავლეთ უკრაინაში შეჭრამ გამოიწვია ევროკავშირის მხრიდან საკუთარი საგარეო პოლიტიკისა და უსაფრთხოების სტრატეგიის გადახედვა. 2016 წელს გამოქვეყნდა ევროკავშირის ახალი საგარეო და უსაფრთხოების პოლიტიკის გლობალურ სტრატეგია, რომელიც, რა თქმა უნდა, ეხება რუსეთს, თუმცა არც მოსკოვის აგრესიული პოლიტიკა და არც ევროკავშირის შესაძლო უკუქმედება ამ დოკუმენტში ადეკვატურად ასახული არ არის.

ახალ სტრატეგიაში ნათქვამია, რომ რუსეთის მხრიდან საერთაშორისო სამართლის დარღვევა და უკრაინის დესტაბილიზაცია, შავი ზღვის რეგიონში არსებულ კონფლიქტებთან ერთად, გამოწვევას ქმნის ევროპის უსაფრთხოების საფუძვლებისთვის. მასში ასევე ხაზგასმულია, რომ ევროკავშირი არასოდეს აღიარებს ყირიმს რუსეთის ნაწილად და არ დაუშვებს დესტაბილიზაციას აღმოსავლეთ უკრაინაში (EU Global Strategy, 2016). ამ პასაჟების და ზოგიერთი სხვა მსგავსი ჩანაწერის მიუხედავად, საერთო ჯამში, როგორც



უკვე აღინიშნა, ამ დოკუმენტის ტექსტი სრულად ვერ ასახავს რუსეთის აგრესიულ განზრახვებს. ამას ისიც ადასტურებს, რომ დოკუმენტში რამდენიმე ადგილას ნახსენებია ჰიბრიდული ომი, მაგრამ მხოლოდ განზოგადებულ კონტექსტში და არა რუსეთთან პირდაპირ კავშირში.

რაც შეეხება NATO-ს სტრატეგიულ კონცეფციას, მისი განახლება მხოლოდ 2022 წელს, რუსეთის უკრაინაში შეჭრის შემდეგ მოხდა. ეს გახდავთ ასეთი ტიპის მეოთხე დოკუმენტი ცივი ომის დასრულების შემდეგ. წინა სამი სტრატეგია 1991, 1999 და 2010 წლებში გამოქვეყნდა (NATO's New Strategic Concept, 2022). NATO-ს ახალი სტრატეგია, ევროკავშირის საგარეო და უსაფრთხოების პოლიტიკის გლობალური სტრატეგიისგან განსხვავებით, ადევნავს აფასებს რუსეთის ქმედებებსა და მისგან მომდინარე საფრთხეებს. ამ დოკუმენტის თანახმად, რუსეთის სასტიკმა და უკანონო თავდასხმამ უკრაინაზე, საერთაშორისო ჰუმანიტარული სამართლის ნორმების არაერთგზის დარღვევამ, გაუგონარმა ქმედებებმა და სისასტიკემ, წარმოუდგენელი წგრევა და ზიანი გამოიწვია (გვ. 1); უკრაინაში რუსეთის სამხედრო აგრესიის ფონზე არ გამოირიცხება იერიშის მიტანა მოკავშირეთა სუვერენიტეტსა და ტერიტორიულ მთლიანობაზე (გვ. 3); რუსეთის ფედერაცია წარმოადგენს პირდაპირ მუქარას მოკავშირეთა უსაფრთხოებისთვის, მშვიდობისა და სტაბილურობისთვის ევროატლანტიკურ სივრცეში. იგი ცდილობს გავლენის სფეროების და უშუალო კონტროლის მოპოვებას იძულებით, დივერსიული საქმიანობით, აგრესიითა და ანექსიით, იყენებს კონვენციურ, კიბერ და ჰიბრიდულ საშუალებებს NATO-ს წევრებისა და პარტნიორების წინააღმდეგ. რუსეთის ქმედებები, რიტორიკა და ძალის გამოყენების მუდმივი მზაობა პოლიტიკური მიზნების მისაღწევად, ძირს უთხრის წესებზე დაფუძნებულ საერთაშორისო წესრიგს. რუსეთის ფედერაცია ახდენს საკუთარი ბირთვული ძალების მოდერნიზებას, ზრდის ორმაგი დანიშნულების მქონე თანამედროვე გადამტან სისტემებს და იყენებს მათ ბირთვული იარაღით მუქარისთვის (გვ. 4) (NATO Strategic Concept, 2022).

უკრაინაში შეჭრის შემდეგ ევროკავშირშიც უფრო ადევნავს რუსეთისგან მომდინარე საფრთხეები, რაც აისახა კიდევ ორგანიზაციის დოკუმენტებში. ასე მაგალითად: ევროკავშირის საგარეო ქმედებათა 2023 წლის ანგარიშში „უცხოური ინფორმაციით მანიპულირებისა და გავლენის“ (შემდგომში FIMI) თაობაზე აღინიშნება, რომ ოფიციალური რუსეთის აქტორები მონაწილეობდნენ FIMI-ის 88 შემთხვევაში; FIMI, როგორც წესი, სხვადასხვა ენაზე ხორციელდება. მათ შორის დადგენილია 30 სხვადასხვა ენის გამოყენების შემთხვევა, საიდანაც 16 ევროკავშირის წევრი ქვეყნების ენებია; FIMI-ის



მეშვეობით რუსეთი უმთავრესად მიზნად ისახავს ყურადღების გადატანას მისთვის სასურველი მიმართულებით - სხვა ნარატივებსა და აქტორებზე ან/და ცდილობს შეცვალოს და დამახინჯებულად წარმოაჩინოს მისთვის არასასურველი ნარატივები; სხვადასხვა აქტორებთან ერთად, რუსეთი რეგულარულად იყენებს დიპლომატიურ არხებს FIMI-სთვის (EEAS Report on FIMI n.d., 2023).

ამავე ანგარიშში ნათქვამია, რომ უკრაინის წინააღმდეგ რუსეთის მხრიდან დემინფორმაციისა და პროპაგანდის კამპანია სიახლეს არ წამოადგენს, რადგან ის მადისკრედიტებელი ნარატივი, რომელსაც რუსეთი იყენებს, ჯერ კიდევ 2013-14 წლებში გამოიყენებოდა კრემლის მიერ უკრაინაში მეორე ხავერდოვანი რევოლუციის დროიდან მოყოლებული. მათ შორის, ისეთი კლიშეებიც, როგორცაა „ფაშისტური სახელმწიფო“ და „არშემდგარი სახელმწიფო“ (EEAS Report on FIMI, 2023).

2024 წლის გამოქვეყნებულ იგივე ანგარიშში კვდავაც მიმოხილულია რუსეთის დამაზიანებელი საქმიანობა FIMI-ის კონტექსტში. ამ ანგარიშში გაკეთებული შეფასებებიდან განსაკუთრებულ ყურადღებას იმსახურებს ის, რომ ევროკავშირის საგარეო ქმედებათა სამსახურის თანახმად, რუსეთის შეჭრამ უკრაინაში ნათელი მოჰფინა, თუ როგორ გამოიყენება FIMI როგორც სტრატეგიული დონის და კოორდინირებული პოლიტიკა და ასევე ინსტრუმენტი რუსეთის მიერ ომის მზადებისა და განხორციელების პროცესში. შესაბამისად, ევროკავშირის საგარეო ქმედებათა სამსახური ასკვნის, რომ FIMI უფრო მეტია, ვიდრე გავლენის მოხდენა დემოკრატიასა და საზოგადოებაზე, რადგან იგი ომის ინსტრუმენტად გამოიყენება (EEAS Report on FIMI, 2024).

NATO-ს 2024 წლის ვაშინგტონის სამიტის დეკლარაციაში აღნიშნულია, რომ რუსეთი რჩება ყველაზე დიდ და პირდაპირ საფრთხედ მოკავშირეთა უსაფრთხოებისთვის. ხაზგასმულია მოსკოვის მხრიდან აქცენტის გადატანა ბირთვულ შეიარაღებაზე. ასევე ყურადღება გამახვილებულია რუსეთის მხრიდან ევროატლანტიკურ სივრცეში აგრესიული ჰიბრიდული ქმედებების გააქტიურებაზე, რომელიც მოიცავს: საბოტაჟს, ძადადობრივ ქმედებებს, დამაზიანებელ კიბერ აქტივობებს, ედექტრონულ შელწევას, დემინფორმაციის კამპანიას, მავნე პოლიტიკურ გავლენასა და ეკონომიკურ ზეწოდას (Washington Summit Declaration, 2024).

ზემოთ მიმოხილულ დოკუმენტებზე დაყრდნობით ცხადია, რომ დღეისათვის დასავლეთში რუსეთის აგრესიული განზრახვების აღქმა ბევრად უფრო მკაფიო და მართებულია, თუმცა

საქართველოს გადმოსახედიდან მაინც ჩნდება უკმაყოფილების გრძნობა, რადგან რუსეთის მიერ წარმოებული ჰიბრიდული ომი დასავლეთის აღქმაში 2014 წლიდან მოყოლებული უკრაინის წინააღმდეგ რუსეთის აგრესიულ ქმედებებს უკავშირდება მაშინ, როდესაც რუსეთი იგივე კონცეფციით მოქმედებდა, მაგალითად, აფხაზეთსა და ცხინვალის რეგიონში, ჯერ კიდევ საბჭოთა კავშირის დაშლის პერიოდში. ასეთ ხედვას სხვა პოსტსაბჭოთა ქვეყნებიც იზიარებენ და, შესაბამისად, მიზანშეწონილი იქნებოდა დიპლომატიური და სამოგალობრივი ძადისხმევის მიმართვა საქართველოს მხრიდან დასავლეთის ქვეყნებში რუსეთის აგრესიული ქმედებების თაობაზე კიდევ უფრო მკაფიო წარმოდგენის შესაქმნელად.

## რუსეთი და ჰიბრიდული ომი კავკასიის ქვეყნების კონსტიტუალურ დოკუმენტებსა და ანგარიშებში

„აზერბაიჯანის ეროვნული უსაფრთხოების კონცეფცია“ 2007 წლით თარიღდება (Распоряжение Президента № 2198, 2007), ამიტომ მისი მიმოხილვა არანედევანტურია. რაც შეეხება რუსეთიდან მომდინარე საფრთხეების შეფასებას, ღია წყაროებში არ იძებნება აზერბაიჯანის სახელმწიფო უწყების მიერ შემუშავებული დოკუმენტი, რომელიც ასეთ საფრთხეების იდენტიფიცირებას მოახდენდა და შეაფასებდა, თუმცა ეს სრულიად არ იძლევა იმის მტკიცების საფუძველს, რომ აზერბაიჯანს უსაფრთხოების პოლიტიკის დასაგეგმად შესაბამისი დოკუმენტები არ გააჩნია. უფრო მეტად სავარაუდოა, რომ ასეთი დოკუმენტები კონფიდენციალური ხასიათისაა. ამის თქმის საფუძველს გვაძლევს ისიც, რომ თუ არ ჩავთვლით ზემოთ ნახსენებ 2007 წლით დათარიღებულ ეროვნული უსაფრთხოების კონცეფციას, ამ ქვეყნის ჩვეული პრაქტიკა საჯარო უსაფრთხოების პოლიტიკის დოკუმენტების შემუშავება არასოდეს ყოფილა.

„სომხეთის ეროვნული უსაფრთხოების სტრატეგია“ 2007 წლის შემდეგ პირველად 2020 წელს განახლდა (ბილანიშვილი, 2020). გასათვადისწინებელია, რომ ამ დროს ჯერ კიდევ არ იყო მომხდარი ყარაბაღის მეორე ომი და სომხეთი პოლიტიკურ დონეზე რუსეთის მთავარ

მოკავშირედ მიიჩნეოდა. შესაბამისად, სტრატეგიაში უკრაინის თემა სრულიად იგნორირებულია, თუმცა საუბარია იმაზე, რომ თანამედროვე მსოფლიოში საფრთხეები ხშირად ჰიბრიდული ომის სახით ჩნდება, რომელიც არა მხოლოდ სამხედრო, არამედ ეკონომიკურ ბერკეტების გამოყენებას, კიბერშეტევებს, ყაღბი ახადი ამბებისა და დემინფორმაციის გავრცელებას მოიცავს (გვ. 5).

რუსეთისგან მომდინარე საფრთხეებთან მიმართებაში საყურადღებოა კიდევ ერთი პასაჟი ამ დოკუმენტიდან. კერძოდ, მასში, ქვეყნის დაკონკრეტების გარეშე, საუბარია იმაზე, რომ აზერბაიჯანისთვის იარაღის მიყიდვა კიდევ უფრო დიდ საფრთხეს უქმნის მშვიდობას და სტაბილურობას რეგიონში“ (გვ. 6). უნდა ვივარაუდოთ, რომ ამ ნაწილში, რამდენიმე სხვა ქვეყანასთან ერთად, რუსეთიც იგულისხმება, რომლის მხრიდან აზერბაიჯანისთვის სხვადასხვა სახის შეიარაღების მიყიდვა იმ დროისთვის სომხეთში უკვე საკმაოდ უკმაყოფილებას იწვევდა (NSS of The Republic of Armenia, 2020). რაც შეეხება რუსეთთან მომდინარე საფრთხეების შეფასებას, აზერბაიჯანის მსგავსად, სომხეთის შემთხვევაშიც ღია წყაროებში არ იძებნება ისეთი ტიპის სახელმწიფო უწყების მიერ შემუშავებული დოკუმენტი, თუმცა, აზერბაიჯანის მსგავსად, არც სომხეთისთვის ყოფილა საჭარო უსაფრთხოების პოლიტიკის დოკუმენტების შემუშავება ჩვეული პრაქტიკა.

2020 წელს ეროვნული უსაფრთხოების კონცეფციის განახლება პრიორიტეტად, მაგრამ არასაკმარის ნაბიჯად უნდა მივიჩნიოთ. ამასთან, უნდა ვედოლოთ ეროვნული უსაფრთხოების კონცეფციის განახლებას უახლოეს მომავალში, რადგან თავად ამ დოკუმენტში მითითებულია, რომ სტრატეგია სულ მცირე 5 წელიწადში უნდა გადაიხედოს. ამასთან, ოფიციალურ ერივანს, ბაქოსგან განსხვავებით, საგარეო კურსი ევროკავშირთან და აშშ-სთან დაახლოებისკენ აქვს მიმართული, ხოლო უსაფრთხოების პოლიტიკის საჭარო დოკუმენტების შემუშავება და გამოქვეყნება დიდწილად დასავლური, დემოკრატიული კულტურისა და პოლიტიკის დაგეგმვის ნაწილის წარმოადგენს.

აზერბაიჯანისა და სომხეთისგან განსხვავებით, საქართველოში უსაფრთხოების პოლიტიკის საჭარო დოკუმენტების შემუშავება გარკვეულ პერიოდში ჩვეულ პრაქტიკად დამკვიდრდა, თუმცა ამ მხრივ ვითარება 2012 წლის შემდეგ მკვეთრად გაუარესდა. საქართველოს რიგით მეორე „ეროვნული უსაფრთხოების კონცეფცია“ 2011 წელს დაამტკიცა საქართველოს პარლამენტმა (სპ დოკუმენტი 2011). შესაბამისად, ისევე როგორც აზერბაიჯანის შემთხვევაში, ამ დოკუმენტის მიმოხილვა არარელევანტურია.

2015 წლის შემოდგომაზე საქართველოს მთავრობამ ასევე დაამტკიცა „საქართველოს საფრთხეების შეფასების 2015–2018 წწ. დოკუმენტის“ სრულიად საიდუმლო (რიგით მეორე) ვერსია, თუმცა, ამჟამად, ამ დოკუმენტის ღია ვერსია არ განახლებულა და, შესაბამისად, არც გამოქვეყნებულა (ბიდანიშვილი გ. & სოფრომაძე ვ. 2024). ამდენად, ვერ ვიმსჯელებთ იმაზე, თუ რა ფორმითა და შინაარსით იყო ასახული მასში რუსეთისგან მომდინარე საფრთხეები. ამასთან, შემდგომში უკვე არც სრულიად საიდუმლო ვერსიის განახლების თაობაზე არსებობს რაიმე ინფორმაცია.

„ეროვნული უსაფრთხოების კონცეფციისა“ და „საფრთხეების შეფასების“ დოკუმენტების განახლებასთან დაკავშირებით არსებული პირობებმა, საქართველოში ეროვნული უსაფრთხოების პოლიტიკის დაგეგმვის პროცესში, რეგრესზე მიუთითებს, თუმცა რუსეთის მხრიდან მომდინარე საფრთხეების აღქმის თაობაზე გარკვეული დასკვნების გაკეთების საშუალებას გვაძლევს საქართველოს უსაფრთხოების სამსახურის ყოველწლიური ანგარიში, რომელიც 2015 წლიდან მოყოლებული მუდმივად ქვეყნდება. ბოლო, 2023 წლის ანგარიშში, წინა წლების ანგარიშების მსგავსად, რუსეთი ნახსენებია მხოლოდ საქართველოს ტერიტორიების ოკუპაციასთან დაკავშირებულ შესაძლო ანექსიის, ე.წ. ბორდერიზაციის პროცესის და სხვადასხვა სახის შესაძლო სამხედრო საფრთხეების კონტექსტში („სუსის ანგარიში,” 2023).

ანგარიშის სხვა ნაწილში რუსეთი ნახსენები არ არის. მათ შორის, დემინფორმაციასა და პროპაგანდასთან მიმართებაში, რომელიც, როგორც საფრთხე, მუდმივად აისახება სუსის ყოველწლიურ ანგარიშში. ბოლო წლების დოკუმენტებს თუ მიმოვიხილავთ, ამ საფრთხესთან დაკავშირებით სუსის ანგარიშში არსებული ჩანაწერების კონტექსტი პრაქტიკულად არ იცვლება და შემდეგი შინაარსისაა:

*უცხო ქვეყნის სპეციალურ სამსახურებთან დაკავშირებული ძალებისა და ცადკეული დესტრუქციული ელემენტების მიერ აქტიურად ხორციელდება დემინფორმაციული და პროპაგანდისტული კამპანიები. ამ კამპანიების ძირითად მიზანს საქართველოში ანტიდასავლური განწყობის გაღვივება, საქართველოს ევროატლანტიკურ სტრუქტურებში ინტეგრაციის შეფერხება, სტრატეგიულ მოკავშირეებთან პარტნიორული ურთიერთობების დაზიანება, საქართველოს დემოკრატიული და დასავლური ფასეულობების მქონე ქვეყნის იმიჯის დაზიანება წარმოადგენს.*

# რუსეთის მტრული და გადასტაბილიზებული ქვეყნების წინააღმდეგ ბრძოლა ევროპის ქვეყნებში

რუსეთის უკრაინაში შეჭრის შემდეგ, უკანასკნელი ორი წლის განმავლობაში, ევროპის ქვეყნებში რუსეთის მიერ განხორციელებული დივერსიების რაოდენობა მნიშვნელოვნად გაიზარდა. ასეთი აქტები განხორციელდა მათ შორის: ვარშავის სავაჭრო ცენტრში, ვიენისში მდებარე IKEA-ს საწყობში, რიგის მუზეუმში, პრატის ავტობუსების სადგომში, ლონდონის სამრეწველო ზონაში, ბერლინის მეტადურგიურ ქარხანაში (Weiss et al., 2024), რომლის მფლობელი კომპანია უკრაინისთვის IRIS-T-ის ტიპის ჰაერსაწინააღმდეგო თავდაცვის სისტემებს ამზადებს (The Economist, 2024).

დასავლეთის სადაზვერვო სამსახურების მონაცემებით, ამ ღონისძიებათა განხორციელებაში წამყვან როლს რუსეთის სამხედრო დაზვერვის მთავარი სამმართველო (შემდგომში GRU) ასრულებდა (Weiss et al., 2024), თუმცა ისიც უნდა აღინიშნოს, რომ ევროპაში რუსეთის დივერსიული ოპერაციები სიახდეს არ წარმოადგენს. ასე მაგალითად, GRU-ს #29155 დანაყოფს უკავშირდება 2011 წელს ბურგარეთის დასახლებულ პუნქტ ღოვნიდოლში არსებული შეიარაღების საწყობის აფეთქება და ასევე 2014 წლის ოქტომბერსა და დეკემბერში ჩეხეთის ვდაჰოვიცეს მუნიციპალიტეტში არსებულ იარაღის საწყობში მომხდარი აფეთქებები. ამის შემდეგ, 2015, 2020 და 2022 წლებში, ბურგარეთის იარაღის საწარმოებშიც მოხდა აფეთქებები, რომელთა მიზეზებიც ჯერ კიდევ დაუდგენელია (The Economist, 2024).

The Insider-ის ინფორმაციით, GRU-ს #29155 დანაყოფის მიერ ევროპაში განხორციელებული დივერსიული აქტების კოორდინაციაში მონაწილეობდა 7 ეთნიკურად რუსი აგენტი, რომლებიც ჩეხეთის მოქალაქეები იყვნენ. მათ შორის ნიკოლაი და ედენა შაპოშნიკოვები, რომლებმაც 1990-იანი წლების დასაწყისში, როგორც პოლიტიკურმა დევნილებმა, ჩეხეთში თავშესაფარი მიიღეს. შემდეგ მათ შეიძინეს ვიღა საბერძნეთში, რომელიც GRU-ს მიერ კონსპირაციული შეხვედრების ადგილად გამოიყენებოდა. დივერსიული აქტების განხორციელებაში ხელშეწყობასთან ერთად, შაპოშნიკოვები GRU-სთვის ინფორმაციის შეგროვებითაც იყვნენ დაკავებული (Baïc et al., 2024).



აღსანიშნავია ისიც, რომ შაპოშნიკოვების ჩეხეთში შეღწევისთვის საფუძვედი, საგარეუდოდ, ჯერ კიდევ საბჭოთა კავშირის არსებობის დროს მომზადდა, როდესაც 1987 წელს ნიკოლაი მიავდინეს ელსავში (დღევანდელი სლოვაკეთის ტერიტორია), სადაც იგი მოტომსროლელი ასეურის მეთაურად მსახურობდა, თუმცა როგორც The Insider-ის გამოძიებით ირკვევა, ამ წყვილში მთავარი მისი მეუღლე ედენა შაპოშნიკოვა იყო, რომელსაც 2015 წელს პუტინმა რუსეთის გმირის წოდებაც კი მიანიჭა (Ibid).

რუსეთის სპეცსამსახურების გააქტიურებას, თავისთავად ცხადია, მოჰყვა დასავლური სადაზვერვო სამსახურების საპასუხო ქმედება, რის შედეგადაც, ბოლო ორი წლის განმავლობაში, ევროპაში რუსეთის სპეცსამსახურების სავალდებურობები ფარული აგენტი გამოავლინეს. მიუხედავად ამისა, კრემლის ძადისხმევა ჯერ კიდევ არ შენეებულა, რადგან ცოტა ხნის წინ პრესაში გაჟონილი დოკუმენტების თანახმად ირკვევა, რომ ევროპის ქვეყნების სადაზვერვო სამსახურების წარმომადგენელთა შეფასებით, მიმდინარე ეტაპზე კრემლი ევროპისა და მსოფლიოს მასშტაბით 48 ქვეყანაში აქტიურად ახორციელებს გავლენის ოპერაციებს (Roth, 2024).

2024 წლის დასაწყისიდან არსებული დინამიკა აჩვენებს, რომ დასავლეთის სპეცსამსახურების ეფექტიანობა, მოსკოვის ჯაშუშების გამოვლენის თავდასაზრისით, მზარდია. მხოლოდ აპრილში ევროპაში რამდენიმე ადამიანი დააკავეს, რომლებიც რუსეთის ინტერესების სასარგებლოდ სხვადასხვა სახის საბოტაჟის აქტს ახორციელებდნენ: გერმანიაში დააკავეს რუსეთისა და გერმანიის მოქალაქეობის მქონე ორი პიროვნება, რომლებიც ეჭვმიტანილნი არიან რუსეთის GRU-ს დავადებით აშშ-ის სამხედრო ინფრასტრუქტურაზე და სხვა სამიზნე ობიექტებზე დივერსიული აქტის მომზადებაში; პოლონეთში დააკავეს ორი ადამიანი, რომლებიც გეგმავდნენ GRU-სთვის ინფორმაციის მიწოდებას ჟეშუვის აეროპორტის თაობაზე, რომელიც სამხედრო თავდასაზრისით უკრაინისთვის ყველაზე მნიშვნელოვან ჰაბს წარმოადგენს; დიდ ბრიტანეთში ბრადი წაუყენეს რამდენიმე ადამიანს ღონღონში უკრაინულ დოგისტიკურ კომპანიაში ხანძრის გაჩენაში, რომლის საწყობზე ესპანეთში ასევე განხორციელდა თავდასხმა. ისინი ასევე დადანაშაულებული არიან კერძო სამხედრო კომპანია „გაგნერისთვის“ დახმარების გაწევაში, რომელსაც ამჟამად GRU აკონტროლებს (The Economist, 2024).

2024 წლის იანვარში ესტონეთის უსაფრთხოების სამსახურმა, რუსეთის სასარგებლოდ ჯაშუშობის ბრადებით, დააკავა ტარტუს უნივერსიტეტის პროფესორი, რუსეთის მოქალაქე ვიჩესლავ მოროზოვი, რომელსაც 6 წლით თავისუფლების აღკვეთა მიესაჯა.

სამსახურის ხელმძღვანელის, მარგო პადოსონის განცხადებით, მორლობის გადაბირება მოხდა 1990-იან წლებში მისი სანკტ-პეტერბურგის სახელმწიფო უნივერსიტეტში სწავლისას, რის შემდეგაც იგი სამხედრო ფაკულტეტზე სწავლობდა. მორლობი 2010 წელს გადავიდა ესტონეთში საცხოვრებლად და დაიწყო რექციების კითხვა ტარტუს უნივერსიტეტში (Err, 2024). იგი GRU-ს აწვდიდა ინფორმაციას ესტონეთის მოქალაქეებისა და უსაფრთხოების სფეროში ესტონეთის მონყვლადობების თაობაზე (Ostiller, 2024). ამასთან, ვინაიდან იგი რუსეთის მიმართ დიპერადური შეხედულებებით გამოირჩეოდა, სავარაუდოდ, საკუთარი პროფესიული საქმიანობის ფარგლებში, ხელს უწყობდა რუსეთის სასარგებლოდ საზოგადოებრივი აზრის ჩამოყალიბებას.

თებერვალში ასევე ესტონეთში 10 ადამიანი დაიჭირეს, რომლებიც ამზადებდნენ თავდასხმას შინაგან საქმეთა სამინისტროს სამსახურებრივ ავტომობილებსა და ახალი ამბების ერთ-ერთი ვებგვერდის რედაქტორზე (The Economist, 2024). სულ ახლახან კი, ოლიმპიადის დაწყების წინ, პარიზში დააკავეს რუსი ეროვნების 40 წლამდე მამაკაცი, რომელიც ოლიმპიური თამაშების დროს ესტაბილიზაციის გამონწვევას გეგმავდა. ეს პიროვნება, რომელიც უკვე 14 წელია საფრანგეთში ცხოვრობს, სავარაუდოდ, რუსეთის ფედერალური უსაფრთხოების სამსახურთან (FSB) იყო კავშირზე. საგამოძიებო მასალებიდან ირკვევა, რომ იგი პირველად საფრანგეთში, კერძოდ ზამთრის კურორტ კურშაველში, 2010 წელს ჩავიდა. მანამდე კი, როგორც ჩანს, რეგენდის შექმნის მიზნით, სპეციალური მომზადება გაიარა, რა დროსაც მზარეულის პროფესიას დაეუფლა და სწორედ ამ მიმართულებით მომზადდა ჯერ კურშაველში და შემდეგ პარიზში. (Boffey, 2024). რუსეთის მიერ პარიზის ოლიმპიადის წინააღმდეგ მიმართული საქმიანობა მხოლოდ ამით არ შემოიფარგლებოდა. გასულ თვეში, „მაიკროსოფტის“ მიერ გავრცელებული განცხადების თანახმად, რუსეთი ქმნიდა ყაღბ გვერდებს/ანგარიშებს ავთენტური ფრანგული მედიასაშუალებების გაყიდვების მიზნით და იყენებდა ხელოვნურ ინტელექტს, რათა საზოგადოებაში ძადადობასა და ტერორიზმთან დაკავშირებული შიშები გაეღვივებინა (Ibid). ამასთან, საფრანგეთის შინაგან საქმეთა მინისტრის, ჯერად დარმანენის სიტყვების თანახმად, რუსი ეროვნების სხვა პირებიც არიან დაკავებული ოლიმპიური თამაშების წინ დეზინფორმაციის გავრცელების მცდელობის გამო (Ibid).

რუსეთის სპეცსამსახურებს საზღვარგარეთ ფარული ოპერაციების განხორციელებაში ხელს უწყობენ სხვადასხვა სახელმწიფო (სავარაუდოდ, კერძო) სტრუქტურები. ერთ-ერთი მათგანია „რუსეთის ფედერაციის საზღვარგარეთ მცხოვრებ თანამემამულეთა მხარდა-





ჭერისა და უფლებების დაცვის ფონდი“ (შემდგომში ფონდი). დანიის საზოგადოებრივი მაუწყებლის მიერ მოპოვებული დოკუმენტაციის თანახმად, ამ ფონდის დანიის ფილიალმა, მხოლოდ 2023 წელს, რუსეთის ბიუჯეტიდან დაახლოებით 2 მლნ. 500 ათასი აშშ დოლარის დაფინანსება მიიღო. მოპოვებული დოკუმენტაცია, სხვა მასალებთან ერთად, მოიცავს ანგარიშს იმის თაობაზე, თუ როგორ მიემართებოდა ეს თანხები ონლაინმედიის, EuroMore-ის საქმიანობის დაფინანსებისთვის, რომელიც შეიქმნა რუსეთისთვის სასარგებლო გზავნილების გასავრცელებლად, მას შემდეგ, რაც 2022 წლის მარტში ევროკავშირმა მიიღო გადაწყვეტილება Russia Today-სა და Sputnik-ის მაუწყებლობის შეწყვეტის თაობაზე. EuroMore-ის ერთ-ერთ მთავარ ამოცანას ევროპის მხრიდან უკრაინის მხარდაჭერის შესუსტება წარმოადგენდა (Hemmelig Operation Afsløret, 2024). EuroMore-ის გარდა, gGolos.eu არის ამ ფონდის მიერ დაფინანსებული კიდევ ერთი ონლაინპორტალი, რომელიც პრეზიდენტ ზედინსკისა და უკრაინის მთავრობის კრიტიკითაა დაკავებული. ასევე ამავე ფონდმა საკმაოდ დიდი რაოდენობის თანხა დახარჯა სხვა ვებგვერდების ფუნქციონირებისათვის, რომელიც თითქოსდა რუსოფობიასთან ბრძოლასა და რუსული ენის დაცვას ემსახურება (Roth, 2024).

ფონდი ასევე ჩართული იყო იარაღის ტრეფიკინგში ბრადღებულ ვიქტორ ბუტისა და ბერლინში საქართველოს მოქალაქის, გერიმხან ხანგოშვილის მკვლელობაში ბრადღებულ ვიდიმ კრასიკოვის დაცვის საქმეში (Ibid). ასევე დასტურდება, რომ ფონდის პარტნიორი ორგანიზაციები ევროპის სხვადასხვა ქვეყანაში მიდილიონობით აშშ დოლარის დაფინანსებას იღებდნენ, რაც აჩვენს დეგიტიმურ კითხვებს ამ თანხების გამოყენების თაობაზე, მათ შორის ევროკავშირის პარლამენტის არჩევნების შესახებ (Ibid).

ამასთან, დასტურდება, რომ დაარსების დღიდან ეს ფონდი წარმოადგენს საფარს რუსეთის სპეცსამსახურებისთვის და მასში მთელ რიგ წამყვან თანამდებობებზე რუსეთის სადაზვერვო სამსახურის ოფიცრები მსახურობენ (Hemmelig Operation Afsløret, 2024). ერთ-ერთი მათგანია რუსეთის საგარეო დაზვერვის სამსახურის ოფიცერი, ვლადიმერ პომდოროვკინი, რომელიც კურირებს ფონდის მიერ განხორციელებულ ღონისძიებებს ნორდუკუდ და ბარტის ქვეყნებში; ასევე ამავე სამსახურის ოფიცერი, ანატოლი საროკინი, რომელიც ახლო აღმოსავლეთის, მოლდოვისა და დნსეტრისპირეთის მიმართულების კურატორია (Roth, 2024).

რუსეთის დამაზიანებელ საქმიანობაში აქტიურად არიან ჩართული ჰაკერული ჯგუფებიც, რომლებიც რუსეთის სპეცსამსახურებსაც უწევენ სათანადო დახმარებას და დემინფორმა-

ციისა და პროპაგანდის გავრცელებასაც უწყობენ ხელს. ასე მაგალითად, 2022 წლის მარტიდან მოყოლებული რუსეთთან დაკავშირებული სხვადასხვა ჰაკერული ჯგუფები აქტიურად იყენებენ Telegram-ს საკუთარ საქმიანობაში. ერთი მხრივ, Telegram-ი გამოიყენება რუსეთის სახელმწიფოს მიერ კონტროლირებადი სააგენტოების ნარატივების გასავრცელებლად, მეორე მხრივ კი - ჰაკერული ჯგუფები იერიშებს ახორციელებენ იმ Telegram-არხების წინააღმდეგ, რომლებიც უკრაინაში რუსეთის აგრესიის თაობაზე მოსკოვისთვის არასასურვედ ინფორმაციას ავრცელებენ. 2022 წლის 11 ოქტომბერს გავრცელდა ინფორმაცია უკრაინული, დატვირთი, ესტონური, დიეტუვური, სდოვაკური, ნორვეგიული, ასევე აშშ-ის და დიდი ბრიტანეთის Telegram-არხების წინააღმდეგ წარმატებული ჰაკერული შეტევის განხორციელების თაობაზე (Report on FIMI, 2023).

დასავლეთის სხვადასხვა ქვეყანაში, არჩევნების მოახლოებასთან ერთად, პოლიტიკურ კიბერაქტივისთა ჯგუფები, როგორც წესი, ააქტიურებენ საკუთარ საქმიანობას. ისინი საჭაროდ აორგანიზებენ ან ავრცელებენ ინფორმაციას გამოგონილი თუ რეალური კიბერ-შეტევების თაობაზე იმ ქვეყნების შედარებით მეორეხარისხოვან ინფრასტრუქტურაზე, სადაც არჩევნები ტარდება. ასეთი ოპერაციები, რომლებიც მოიცავს DDoS-ს შეტევებს, პროგრამულ შეღწევასა და ინფორმაციის გაჟონვას, მიზნად ისახავენ არჩევნების დისკრედიტაციას (Report on FIMI, 2024.).



იმ ფონზე, როდესაც ევროპის ქვეყნებში აქტიური ბრძოლა მიმდინარეობს რუსეთის დესტრუქციული საქმიანობის, მათ შორის რუსული პროპაგანდისა და დეზინფორმაციის, ასევე, რუსეთის სპეცსამსახურების საქმიანობის გამოვლენისა და აღკვეთის მიზნით, კავკასიის ქვეყნებში მსგავსი რამ არ შეინიშნება, თუმცა, ცხადია, რომ რუსეთის სპეცსამსახურებს კავკასიის ქვეყნებშიც ექნებათ მყარი პოზიციები, თუნდაც იქიდან გამომდინარე, რომ თუ დავაკვირდებით ზემოთ მიმოხილულ მასალებში, რუსეთის სპეცსამსახურების საქმიანობა ხშირად იმ ქვეყნებში შეინიშნებოდა, რომლებიც სოციალისტური ბანაკის ან საბჭოთა კავშირის შემადგენლობაში შედიოდნენ. გარდა ამისა, ფაქტობრივ გარემოებას განეკუთვნება ისიც, რომ რუსეთის ფედერაციის სამღვარგარეთ მცხოვრებ თანამემამულეთა „მხარდაჭერისა და უფლებების დაცვის ფონდი“, რომელიც რუსეთის სპეცსამსახურებისთვის საფარის ფუნქციას ასრულებს, კავკასიის ქვეყნებშიც ახორციელებს საკუთარ საქმიანობას.

ცადკეური ქვეყნების მიხედვით თუ ვიმსჯელებთ, საქართველოს მდგომარეობა [ეროვნული] უსაფრთხოების უზრუნველყოფის კუთხით უფრო რთულია. ამერბაიჯანს ჰყავს მტკიცე მოკავშირე თურქეთის სახით. სომხეთი აღრმავებს თანამშრომლობას ევროპის ქვეყნებთან, განსაკუთრებით საფრანგეთთან, რაც თავდაცვის და უსაფრთხოების სფეროებსაც მოიცავს. რაც შეეხება საქართველოს, მოქმედი ხელისუფლების პოლიტიკის შედეგად, მისი ურთიერთობები პრაქტიკულად ყველა დასავლედ პარტნიორთან უკიდურესად გაუარესებულა. შეწყვეტილია დახმარების პროგრამები, რომლებსაც დასავლეთის ქვეყნები საქართველოსთვის, მათ შორის თავდაცვისა და უსაფრთხოების სფეროში ახორციელებდნენ.

ის გარემოება, რომ ევროპის რამდენიმე ქვეყანაში (ჩეხეთი, ესტონეთი, საფრანგეთი) გამოავლინეს რუსეთის სპეცსამსახურების მიერ დიდი ხნის წინ ჩანერგილი თანამშრომლები, რომლებსაც მყარი საფარი გააჩნდათ, რუსეთის სპეცსამსახურების ჩავარდნაზე მიუთითებს. გასათვალისწინებელია, რომ პუტინის რეჟიმი ძირგამომთხრედ საქმიანობაზე მიმართავს არა მხოლოდ სახელმწიფო, არამედ კერძო სექტორის და სამოგადრობრივ რესურსებსაც, რადგან მან უკვე ვარგა ხანია რაც საკუთარ ქვეყანაში ვითარება ტოტალურ კონტროლს დაუქვემდებარა.

შესაბამისად, მთლიანდ რუსეთის სახელმწიფო მოქმედებს როგორც სპეცსამსახური, რაც მრდის მისი მხრიდან ზიანის მიყენებისთვის რესურსების მოზიდვების შესაძლებლობას. იმისთვის, რომ ეს პარადიგმა კიდევ უფრო ცხადი გავხადოთ, შეგვიძლია ვნახოთ თუ რას მოიცავს მაგალითად, სპეცსამსახურების მიერ განხორციელებული ფარული ოპერაციები. 2010 წელს გამოქვეყნებულ ოქსფორდის სახელმძღვანელოში „ეროვნული უსაფრთხოება დაზვერვა“ ფარული ოპერაციების თაობაზე შემდეგ განმარტებას ვნახულობთ: ფარული ოპერაციის მიზანი არის გასაიდუმლოებული მოქმედებით სამიზნე ქვეყნის, ტერიტორიული დაჯგუფების ან რაიმე ჯგუფის განვითარების შეცვლა.

### ფარული ოპერაციები მოიცავს:

- ▶ პროპაგანდისტულ ღონისძიებებს (მაგალითად: უცხოეთში კონტროლირებადი მედიასაშუალებების მეშვეობით საგაზეთო სტატიებისა და პროკლამაციების გავრცელება);
- ▶ პოლიტიკურ ღონისძიებებს (მაგალითად: ოპონენტის წინააღმდეგ ფარული საარჩევნო კამპანიის წარმოება, მოკავშირეთა ჯგუფების ფინანსებით უზრუნველყოფა და მიმართულების მიცემა);
- ▶ ეკონომიკური ხასიათის ღონისძიებებს (მაგალითად: უცხოური ვალუტის გაყიდვება, ელექტროსადგურის აფეთქება, პორტის დანალმვა);
- ▶ გასამხედროებულ ღონისძიებებს (მაგალითად: უცხოეთში მოკავშირე ჯგუფებისთვის იარაღის მიწოდება, ნდობით აღჭურვილი პირებისთვის სათანადო კონსულტაციის გაწევა საერთო მოწინააღმდეგის წინააღმდეგ ბრძოლაში, შეთქმულებაში მონაწილეობა პოლიტიკური მკვდელობის განხორციელების მიზნით) (Johnson, 2010).

შესაბამისად, თანხვედრა სპეცსამსახურების ფარულ ოპერაციებსა და რუსეთის ჰიბრიდულ ომს შორის თვარნათელია. აქედან გამომდინარე, რუსეთის სახელმწიფოსთვის, რომელიც სპეცსამსახურის ყაიდაზე მოქმედებს, ყველაზე მნიშვნელოვანია მოწინააღმდეგის სუსტი/მოწყვლადი ადგილების იდენტიფიცირება და შემდეგ, სპეცსამსახურებისთვის დამახასიათებელი მოქმედების რეჟიმში, მათი გამოყენება საკუთარი ინტერესებისათვის.

## ბიბლიოგრაფია

---

- Russia's hybrid war in Ukraine: | FIIA – Finnish Institute of International Affairs. (2017, October 19). FIIA – Finnish Institute of International Affairs. Pp. 24.  
<https://www.fiia.fi/en/publication/russias-hybrid-war-in-ukraine>
- ქავთარაძე, ნ. (2023). „ჰიბრიდული ომი“ და რუსეთის მიერ წარმოებული „თანამედროვე ომი“. ექსპერტის აზრი, საქართველოს სტრატეგიისა და საერთაშორისო ურთიერთობების კვლევის ფონდი (რონდელის ფონდი). გვ. 3.  
<https://gfsis.org/wp-content/uploads/2023/06/201-expert-opinion-geo.pdf>
- Russia's hybrid war in Ukraine: | FIIA – Finnish Institute of International Affairs. (2017, October 19). FIIA – Finnish Institute of International Affairs. Pp. 30.  
<https://www.fiia.fi/en/publication/russias-hybrid-war-in-ukraine>
- Zolyniak, A. (2024, July 18). Irregular Warfare in the 21st Century: Autocracy's Global Playbook. Irregular Warfare Initiative.  
[https://irregularwarfare.org/articles/irregular-warfare-in-the-21st-century-autocracys-global-playbook/?fbclid=IwZXh0bgNhZW0CMTEAAR1WNEkY9JwYR7urg-5nsnKSCg7Kt6rUJlqes6VumHd4eXG39XWirR4YK4Y\\_aem\\_TENlgyWbQY9bewnmf1E4dw](https://irregularwarfare.org/articles/irregular-warfare-in-the-21st-century-autocracys-global-playbook/?fbclid=IwZXh0bgNhZW0CMTEAAR1WNEkY9JwYR7urg-5nsnKSCg7Kt6rUJlqes6VumHd4eXG39XWirR4YK4Y_aem_TENlgyWbQY9bewnmf1E4dw)
- Applebaum, A. (2023, October 31). Autocracy is winning. The Atlantic.  
<https://www.theatlantic.com/magazine/archive/2021/12/the-autocrats-are-winning/620526/>
- Russia's hybrid war in Ukraine: | FIIA – Finnish Institute of International Affairs. (2017, October 19). FIIA – Finnish Institute of International Affairs. Pp. 32  
<https://www.fiia.fi/en/publication/russias-hybrid-war-in-ukraine>
- A global strategy for the European Union's foreign and security policy. (n.d.). (2016, June). EEAS. Pp. 33.  
[https://www.eeas.europa.eu/eeas/global-strategy-european-unions-foreign-and-security-policy\\_en](https://www.eeas.europa.eu/eeas/global-strategy-european-unions-foreign-and-security-policy_en)
- NDC Research Paper. NATO's New Strategic Concept. No. 25. September, 2022. Edited by Tardy T. Pp. 1
- NATO 2022 Strategic Concept. (2022, June 29). nato.int.  
<https://www.nato.int/strategic-concept/>

1st EEAS Report on Foreign Information Manipulation and Interference Threats. (n.d.).  
February, 2023. EEAS. Pp. 5.

[https://www.eeas.europa.eu/eeas/1st-eeas-report-foreign-information-manipulation-and-interference-threats\\_en](https://www.eeas.europa.eu/eeas/1st-eeas-report-foreign-information-manipulation-and-interference-threats_en)

Idem, Pp. 9.

2nd EEAS Report on Foreign Information Manipulation and Interference Threats. (n.d.).  
January 2024. EEAS. Pp. 13

[https://www.eeas.europa.eu/eeas/2nd-eeas-report-foreign-information-manipulation-and-interference-threats\\_en](https://www.eeas.europa.eu/eeas/2nd-eeas-report-foreign-information-manipulation-and-interference-threats_en)

Washington Summit declaration. (2024, July 10). nato.int.

[https://www.nato.int/cps/en/natohq/official\\_texts\\_227678.htm?utm\\_source=multi&utm\\_medium=smc&utm\\_campaign=100724%26summit%26washington&fbclid=IwZXh0bgNhZW0CMTEAAR1stXByPPO46bf578EJfUHtmrCbLD14fEeA9cn5isHcHQ4UBKK7oKZkps0\\_aem\\_w6e7OMtl5Tg5TENgmvA4Kg](https://www.nato.int/cps/en/natohq/official_texts_227678.htm?utm_source=multi&utm_medium=smc&utm_campaign=100724%26summit%26washington&fbclid=IwZXh0bgNhZW0CMTEAAR1stXByPPO46bf578EJfUHtmrCbLD14fEeA9cn5isHcHQ4UBKK7oKZkps0_aem_w6e7OMtl5Tg5TENgmvA4Kg)

Распоряжение Президента Азербайджанской Республики Об утверждении  
Концепции национальной безопасности Азербайджанской Республики. (2007,  
May 23).

<https://migration.gov.az/content/pdf/100d0573f3c1bdd642b0718b6393bb0e.pdf>

ბილანიშვილი, გ. (2020, სექტემბერი 4). სომხეთის ეროვნული უსაფრთხოების სტრატეგია. რონდელის ფონდი.

<https://gfsis.org.ge/ge/publications/view/2845>

National Security Strategy of the Republic of Armenia. (2020, July). Security Council  
Office of Armenia.

<https://www.seco.am/pdf/Armenia%202020%20National%20Security%20Strategy.pdf>

„საქართველოს ეროვნული უსაფრთხოების კონცეფციის“ დამტკიცების შესახებ.  
23.12.2011. სსიპ „საქართველოს საკანონმდებლო მაცნე“.

<https://matsne.gov.ge/ka/document/view/1555410?publication=0>

ბილანიშვილი გ., & სლონოვსკაია ვ. (2024). საქართველოს ეროვნული უსაფრთხოების  
არქიტექტურა. პრობლემები და მათი გადაჭრის შესაძლო გზები. გვ. 31. Gnomon  
Wise.

<https://gnomonwise.org/public/storage/publications/April2024/RTXG5i2NdGLwb1su7ZfL.pdf>

საქართველოს სახელმწიფო უსაფრთხოების სამსახურის ანგარიში. (2023). გვ. 6-11  
<https://ssg.gov.ge/>. [სახელმწიფო უსაფრთხოების სამსახური.](https://ssg.gov.ge/page/info/reports)  
<https://ssg.gov.ge/page/info/reports>

Weiss, M., Roonemaa, H., & Springe, I. (2024, July 10). Exclusive: Inside Russia's Latvian sabotage squad. The Insider.  
[https://theins.ru/en/politics/272989?fbclid=IwZXh0bgNhZW0CMTEAAR3sYnJqPO2bdR8QGWXvRTmo14Az2IX2HBg-Ac5gDjTvAXpJ8w4FHdX38B4\\_aem\\_byhXra5Hvit8P59hf560bw](https://theins.ru/en/politics/272989?fbclid=IwZXh0bgNhZW0CMTEAAR3sYnJqPO2bdR8QGWXvRTmo14Az2IX2HBg-Ac5gDjTvAXpJ8w4FHdX38B4_aem_byhXra5Hvit8P59hf560bw)

The Economist. (2024, May 12). Russia is ramping up sabotage across Europe. The Economist.  
<https://www.economist.com/europe/2024/05/12/russia-is-ramping-up-sabotage-across-europe>

Weiss, M., Roonemaa, H., & Springe, I. (2024, July 10). Exclusive: Inside Russia's Latvian sabotage squad. The Insider.  
[https://theins.ru/en/politics/272989?fbclid=IwZXh0bgNhZW0CMTEAAR3sYnJqPO2bdR8QGWXvRTmo14Az2IX2HBg-Ac5gDjTvAXpJ8w4FHdX38B4\\_aem\\_byhXra5Hvit8P59hf560bw](https://theins.ru/en/politics/272989?fbclid=IwZXh0bgNhZW0CMTEAAR3sYnJqPO2bdR8QGWXvRTmo14Az2IX2HBg-Ac5gDjTvAXpJ8w4FHdX38B4_aem_byhXra5Hvit8P59hf560bw)

The Economist. (2024, May 12). Russia is ramping up sabotage across Europe. The Economist.  
<https://www.economist.com/europe/2024/05/12/russia-is-ramping-up-sabotage-across-europe>

Вайс, М., Грозев, Х., & Доброхотов, Р. (2024, April 29). Как семья нелегалов ГРУ помогала устраивать взрывы в Европе. The Insider.  
<https://theins.ru/politika/271203>

Ibid;

Weiss, M., Roonemaa, H., & Springe, I. (2024, July 10). Exclusive: Inside Russia's Latvian sabotage squad. The Insider.  
[https://theins.ru/en/politics/272989?fbclid=IwZXh0bgNhZW0CMTEAAR3sYnJqPO2bdR8QGWXvRTmo14Az2IX2HBg-Ac5gDjTvAXpJ8w4FHdX38B4\\_aem\\_byhXra5Hvit8P59hf560bw](https://theins.ru/en/politics/272989?fbclid=IwZXh0bgNhZW0CMTEAAR3sYnJqPO2bdR8QGWXvRTmo14Az2IX2HBg-Ac5gDjTvAXpJ8w4FHdX38B4_aem_byhXra5Hvit8P59hf560bw)



Roth, A. (2024, June 3). Revealed: Russian legal foundation linked to Kremlin activities in Europe. The Guardian.

[https://www.theguardian.com/world/article/2024/jun/02/revealed-russian-legal-defence-foundation-pravfond-europe?CMP=share\\_btn\\_url&fbclid=IwZXh0bgNhZW0CMTEAAR18JNJ7uYV-6WuY5z8Q\\_SmqdVDyGYeitq-xAvrd4BCfqWtGTVxBc5y6tkU\\_aem\\_ATpRy8TRLYMAs-TwGNAAkOqzMsNfXUC\\_ZvIR1Rv-j2B27DT5\\_2piRkAZuA9vxShpRRJ-ZrKG3UCz4uBRa-1cCpzK](https://www.theguardian.com/world/article/2024/jun/02/revealed-russian-legal-defence-foundation-pravfond-europe?CMP=share_btn_url&fbclid=IwZXh0bgNhZW0CMTEAAR18JNJ7uYV-6WuY5z8Q_SmqdVDyGYeitq-xAvrd4BCfqWtGTVxBc5y6tkU_aem_ATpRy8TRLYMAs-TwGNAAkOqzMsNfXUC_ZvIR1Rv-j2B27DT5_2piRkAZuA9vxShpRRJ-ZrKG3UCz4uBRa-1cCpzK)

The Economist. (2024, May 12). Russia is ramping up sabotage across Europe. The Economist.

<https://www.economist.com/europe/2024/05/12/russia-is-ramping-up-sabotage-across-europe>

Err. (2024, June 18). University professor found guilty of espionage against Estonian state. ERR.

<https://news.err.ee/1609374515/university-professor-found-guilty-of-espionage-against-estonian-state>

Ostiller, N. (2024, July 17). From Estonian university professor to convicted Russian spy: the curious case of Viacheslav Morozov. The Kyiv Independent.

<https://kyivindependent.com/the-curious-case-of-viacheslav-morozov-russian-professor-made-a-career-in-estonia-by-criticizing-his-countrys-colonial-mindset-then-he-was-arrested-for-spying/>

The Economist. (2024, May 12). Russia is ramping up sabotage across Europe. The Economist.

<https://www.economist.com/europe/2024/05/12/russia-is-ramping-up-sabotage-across-europe>

Boffey, D. (2024, July 26). Russian chef arrested in Paris over alleged 'large scale' Olympic Games plot. The Guardian.

<https://www.theguardian.com/sport/article/2024/jul/24/russian-chef-arrested-in-paris-over-alleged-large-scale-olympic-games-plot-paris-2024>

Hemmelig operation afsløret: Russisk spionfond har betalt millionbeløb for kampagner i Danmark og EU. (2024, June 2). DR.

<https://www.dr.dk/nyheder/indland/moerklagt/hemmelig-operation-afsloeret-russisk-spionfond-har-betalt-millionbeloeb>

Roth, A. (2024, June 3). Revealed: Russian legal foundation linked to Kremlin activities in Europe. The Guardian.

[https://www.theguardian.com/world/article/2024/jun/02/revealed-russian-legal-defence-foundation-pravfond-europe?CMP=share\\_btn\\_url&fbclid=IwZXh0bgNhZW0CMTEAAR18JNJ7uYV-6WuY5z8Q\\_SmqdVDyGYeitq-xAvrd4BCfqWtGTVxBc5y6tkU\\_aemATpRy8TRLYMAs-TwGNAAkOqzMsNfXUC\\_ZvIR1Rv-j2B27DT5\\_2piRkAZuA9vxShpRRJ-ZrKG3UCz4uBRa-1cCpzK](https://www.theguardian.com/world/article/2024/jun/02/revealed-russian-legal-defence-foundation-pravfond-europe?CMP=share_btn_url&fbclid=IwZXh0bgNhZW0CMTEAAR18JNJ7uYV-6WuY5z8Q_SmqdVDyGYeitq-xAvrd4BCfqWtGTVxBc5y6tkU_aemATpRy8TRLYMAs-TwGNAAkOqzMsNfXUC_ZvIR1Rv-j2B27DT5_2piRkAZuA9vxShpRRJ-ZrKG3UCz4uBRa-1cCpzK)

Ibid;

Hemmelig operation afsløret: Russisk spionfond har betalt millionbeløb for kampagner i Danmark og EU. (2024, June 2). DR.

<https://www.dr.dk/nyheder/indland/moerklagt/hemmelig-operation-afsloeret-russisk-spionfond-har-betalt-millionbeloeb>

Roth, A. (2024, June 3). Revealed: Russian legal foundation linked to Kremlin activities in Europe. The Guardian.

[https://www.theguardian.com/world/article/2024/jun/02/revealed-russian-legal-defence-foundation-pravfond-europe?CMP=share\\_btn\\_url&fbclid=IwZXh0bgNhZW0CMTEAAR18JNJ7uYV-6WuY5z8Q\\_SmqdVDyGYeitq-xAvrd4BCfqWtGTVxBc5y6tkU\\_aemATpRy8TRLYMAs-TwGNAAkOqzMsNfXUC\\_ZvIR1Rv-j2B27DT5\\_2piRkAZuA9vxShpRRJ-ZrKG3UCz4uBRa-1cCpzK](https://www.theguardian.com/world/article/2024/jun/02/revealed-russian-legal-defence-foundation-pravfond-europe?CMP=share_btn_url&fbclid=IwZXh0bgNhZW0CMTEAAR18JNJ7uYV-6WuY5z8Q_SmqdVDyGYeitq-xAvrd4BCfqWtGTVxBc5y6tkU_aemATpRy8TRLYMAs-TwGNAAkOqzMsNfXUC_ZvIR1Rv-j2B27DT5_2piRkAZuA9vxShpRRJ-ZrKG3UCz4uBRa-1cCpzK)

1st EEAS Report on Foreign Information Manipulation and Interference Threats. (n.d.). EEAS. February, 2023. Pp. 17.

[https://www.eeas.europa.eu/eeas/1st-eeas-report-foreign-information-manipulation-and-interference-threats\\_en](https://www.eeas.europa.eu/eeas/1st-eeas-report-foreign-information-manipulation-and-interference-threats_en)

2nd EEAS Report on Foreign Information Manipulation and Interference Threats. (n.d.). EEAS. January 2024. Pp. 26.

[https://www.eeas.europa.eu/eeas/2nd-eeas-report-foreign-information-manipulation-and-interference-threats\\_en](https://www.eeas.europa.eu/eeas/2nd-eeas-report-foreign-information-manipulation-and-interference-threats_en)

Johnson, L. K. (2010). National Security Intelligence [1st Edition]. Pp. 20.

<https://doi.org/10.1093/oxfordhb/9780195375886.003>